

- 1' Die wücherer füren wild gewärb
- 2' Den armen sint sie rüch / vnd härb
- 3' Nit achtens / das all weltt verdärb



wuocher vnd furkouff

- 1 Dem solt man griffen zů der huben
- 2 Vnd jm die zächen wol ab kluben
- 3 Vnd ruffen die fluckfäder vß
- 4 Der hynder sich koufft jnn syn huß

2 zächen GW5046 GW5047] zächen GW5041

5 Als wyn vnd korn jm gantzen land q5^r
 6 Vnd vörchten weder sünd noch schand
 7 Do mit eyn arm man nützet fynd
 8 Vnd hungers sterb mit wib / vnd kynd
 9 Do durch / so hat man yetz vil dür
 10 Vnd ist / dann vārnyg / böser hür
 11 Nūn galt der wyn kum zehen pfundt
 12 In eym monat es dar zū kundt
 13 Das er yetz gyltet dryssig gern /
 14 Als gschicht / mit weissen / rocken / kern /
 15 Jch will vom übernütz nit schriben
 16 Den man mit zynß / vnd gült dūt triben
 17 Mit lyhen / blätschkouff / vnd mit borgen
 18 Manchem eyn pfundt / gewynt eyn morgen
 19 Me dann es thūn eyn jor lang soltt
 20 Man lyhet eym yetz müntz vmb golt /
 21 Für zehen schribt man eylff jnns bûch
 22 Gar lydlich wer der juden gesûch
 23 Aber sie mōgen nit me bliben
 24 Die kriesten juden / sie vertriben
 25 Mit juden spieß die selben rennen
 26 Jch kenn vil / die ich nit will nennen
 27 Die triben doch wild kouffmanschatz
 28 Vnd schwygt dar zū all recht / vnd gsatz /
 29 Jr vil sich gen dem hagel neygen
 30 Die lachend / vff den ryffen zeygen
 31 Doch gschicht dar gegen ouch gar dick
 32 Das mancher henckt sich an eyn strick /
 33 Wer rich will syn / mit schaden der gmeyn
 34 Der ist eyn narr / doch nit alleyn /

6 vörchten GW5046 GW5047] vörchtet GW5041 21 Für] Füt GW5046 31 gschicht
 GW5046 GW5047] gchicht GW5041 33 schaden GW5046 GW5047] fchad GW5041